

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona” broj: 7/10) i Programa rada Vlade Zeničko-dobojskog kantona za 2014. godinu, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 181. sjednici održanoj dana 09.09.2014. godine, d o n o s i

ZAKLJUČAK

I.

Usvaja se Izvještaj o namjenskoj potrošnji sredstava, odnosno izvršenju budžeta Ministarstva za rad, socijalnu politiku i izbjeglice za prvo polugodište 2014. godine i čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/14.

Datum, 09.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x a/a.



IZVJEŠTAJ O NAMJENSKOJ POTROŠNJI SREDSTAVA, ODNOSNO IZVRŠENJU BUDŽETA U MINISTARSTVU ZA PRVO POLUGODIŠTE 2014. GODINE

U skladu sa Programom utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice, broj: 02-14-3163-1/14 od 06.02.2014. godine, na pozicijama "Tekući transferi pojedincima" - ekonomski kod 614200, "Tekući transferi neprofitnim organizacijama" - ekonomski kod 614300, "Kapitalni transferi drugim nivoima vlasti" - ekonomski kod 615100 i „Ostala osnivačka ulaganja“ - ekonomski kod 821500 planirana su sredstva u iznosu od 29.944.407 KM.

Pregled izvršenja Budžeta u Ministarstvu za rad, socijalnu politiku i izbjeglice, za period januar - juni 2014. godine, u dijelu koji se odnosi na pozicije: "Tekući transferi pojedincima", "Tekući transfer neprofitnim organizacijama", "Kapitalni transferi drugim nivoima vlasti" i „Ostala osnivačka ulaganja“, dat je u tabeli br. 1.

Tabela br.1

Ekonomski kod i subanalitika	Naziv pozicije budžeta	Budžet za 2014. god.	Izvršenje Budžeta jan - juni 2014.	%
1	2	3	4	5
614200	I Transfer pojedincima	29.785.682,00	13.410.895,86	45,02
KAD 201	Izdaci za raseljena lica	109.317,00	40.594,72	37,13
KAD 202	Sredstva za podsticaj povratka izbjegl. i raselje. lica	440.318,00	26.000,00	5,90
KAD 203	Civilne žrtve rata	3.385.881,00	1.597.810,92	47,19
KAD 204	Smještaj u drugu porodicu	272.539,00	130.425,20	47,86
KAD 205	Naknada za porodijsko odsustvo	8.791.036,00	3.938.319,97	44,80
KAD 206	Zdravstvena zaštita neosiguranih lica	164.026,00	0,00	0,00
KAD 207	Ostali socijalni transferi	945.450,00	383.393,43	40,55
KAD 208	Transferi za alternativni smještaj	116.870,00	50.937,31	43,58
KAD 209	Naknada za pomoc i njegu drugog lica	2.355.996,00	1.152.917,75	48,94
KAD 211	Novčana pomoć za nezaposlene porodilje	171.890,00	70.740,00	41,15
KAD 213	Smještaj u ustanove socijalne zaštite	5.481.451,00	2.655.677,01	48,45
KAD 215	Stalna novčana pomoć	1.177.934,00	574.143,05	48,74
KAD 216	Osposobljavanje za život i rad	211.907,00	87.564,40	41,32
KAD 217	Dodatak na djecu	4.868.904,00	2.216.647,40	45,53
KAD 218	Jednokratna pomoć za opremu novorođen. djeteta	121.071,00	51.278,65	42,35
KAD 219	Pomoć u prehrani djeteta do 6. mjeseci i dodatna ishrana za majke dojilje	408.167,00	215.096,05	52,70
KAD 220	Transfer JU Službi za zapošljavanje ZDK, za podsticaj aktivnih mjera zapošljavanja	556.075,00	219.350,00	39,45
	Poticaji zapošljavanja mladih	206.850,00	0,00	0,00

614300	II Transfer neprofitnim organizacijama	99.625,00	10.000,00	10,04
KAX 002	Transferi udruženjima	14.625,00	0,00	0,00
	Tekući transfer za Crveni križ	10.000,00	10.000,00	100,00
KAX 003	Transferi iz prihoda za Dječiju nedjelju	75.000,00	0,00	0,00
615100	III Kapitalni transferi drugim nivoima vlasti	9.850,00	0,00	0,00
821500	IV Ostala osnivačka ulaganja	49.250,00	0,00	0,00
	UKUPNO: I+II+III+IV	29.944.407,00	13.420.895,86	44,82

1. Izdaci za raseljena lica – KAD 201

Budžetom za 2014. godinu planirana su sredstva u iznosu od 109.317 KM za podmirenje osnovnih potreba raseljenih lica. Sa ovim sredstvima Ministarstvo je izvršavalo zakonske obaveze plaćanja sljedećih obaveza: potrošnje električne energije, grijanja, komunalne usluge, održavanja objekata, sahrana, kao i druge potrebe od značaja za ukupno zbrinjavanje raseljenih lica i izbjeglica koje su smještene u kolektivnim naseljima i objektima za smještaj raseljenih osoba koje se ne mogu vratiti u svoje prijeratno prebivalište (stambeni objekti Radakovo i Crkvice u Zenici).

Sredstva su utrošena prema sljedećoj tabeli:

1.	Električna energija	4.487,32
2.	Toplotna energija	8.897,16
3.	Vodovod i kanalizacija	1.159,00
4.	Odvoz smeća	881,04
5.	Održavanje objekata	1.123,20
6.	Sahrana	235,00
7.	Kućna njega	22.662,00
8.	Jednokratne pomoći	1.150,00
UKUPNO KM:		40.594,72

2. Sredstva za podsticaj povratka raseljenih lica i izbjeglica – KAD 202

Budžetom za 2014. godinu planirana su sredstva u iznosu od 440.318 KM - ekonomski kod 614200. Ova sredstva su planirana za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka.

U izvještajnom periodu januar-juni 2014. godine utrošena su sredstva u iznosu od 26.000 KM, za pomoć u nabavci i ugradnji građevinskog materijala za obnovu vjerskih objekata u povratničkim naseljima.

3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.385.881 KM - ekonomski kod 614200. Finansiranje ovog prava je po modelu - 30% planiranih sredstava je iz Budžeta Zeničko-dobojskog kantona u iznosu od 978.768 KM i 70% planiranih sredstava je iz Budžeta Federacije BiH u iznosu od 2.407.113 KM.

U izvještajnom periodu januar-juni 2014. godine za ovu namjenu utrošena su sredstva u iznosu od 1.597.810,92 KM, i to iz Budžeta Kantona izdvojeno je 466.546,09 KM, a iz Budžeta Federacije BiH izdvojeno 1.131.264,83 KM. Finansirano je 888 civilnih žrtava rata koje ostvaruju naknade za 1.069 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

4. Smještaj u drugu porodicu – KAD 204

Budžetom za 2014. godinu planirana su sredstva u iznosu od 272.539 KM - ekonomski kod 614200. Na ovaj način obezbijedena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar-juni 2014. godine utrošena su sredstva u iznosu od 130.425,20 KM, za isplatu naknada hraniteljima za 112 djece na smještaju.

5. Naknada za porodijsko odsustvo - KAD 205

U Budžetu 2014. godine za ovu namjenu planirana su sredstva u iznosu od 8.791.036 KM - ekonomski kod 614200. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 3.938.319,97 KM, za isplatu naknada za 901 porodilju.

6. Zdravstvena zaštita neosiguranih lica - KAD 206

Budžetom za 2014. godinu na ovoj poziciji planirana su sredstva u iznosu od 164.026,00 KM - ekonomski kod 614200.

Za finansiranje zdravstvenog osiguranja u periodu januar – juni 2014. godine nisu utrošena planirana sredstva.

7. Ostali socijalni transferi - KAD 207

Budžetom za 2014. godinu planirana su sredstva u iznosu od 945.450 KM - ekonomski kod 614200. Ova sredstva su namjenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu utrošena su sredstva u iznosu od 383.393,43KM, i to za:

- Pomoć javnim – humanitarnim kuhinjama.....100.000,00 KM
- Projekat „Centar za rano podsticanje razvoja i ranu intervenciju za djecu sa posebnim potrebama“ u Zenici..... 79.000,02 KM
- Projekat „Dnevni centar za djecu i odrasle osobe sa posebnim potrebama“ u Visokom 72.499,98 KM
- Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona22.800,00 KM
- Projekat „Roma action (RA)-Podrška socioekonomskom uključenju romske populacije u BiH..... 20.000,00 KM
- Jednokratne i privremene novčane pomoći putem centara za socijalni rad i službi za poslove socijalne zaštite..... 41.275,00 KM

- Ostale dodatne potrebe i intervencije socijalno zaštitnog karaktera za pojedince i porodice koje su u stanju socijalne. Donošenjem 114 zaključaka ministra Ministarstva, te 4 zaključka Vlade Zeničko-dobojskog kantona omogućeno je pružanje socijalno-intervenirajućih pomoći, te je utrošeno 47.818,43 KM

UKUPNO KM: **383.393,43 KM**

8. Transfer za alternativni smještaj – KAD-208

Budžetom za 2014. godinu planirana su sredstva u iznosu od 116.870 KM za plaćanje stanarine raseljenim osobama sa priznatim pravom na privremeni smještaj - ekonomski kod 614200.

U izvještajnom periodu januar-juni 2014. godine utrošeno je 50.937,31 KM, za finansiranje alternativnog smještaja za 73 porodice, odnosno 179 osoba.

9. Naknada za pomoć i njegu drugog lica – KAD 209

Budžetom za 2014. godinu planirana su sredstva u iznosu od 2.355.996 KM - ekonomski kod 614200. Ova sredstva su namjenjena za finansiranje prava na dodatak za njegu i pomoć od drugog lica za osobe sa utvrđenim invaliditetom u procentu od 100% i 90% oštećenja organizma koje su starije od 65 godina i refundacija troškova pregleda kod Instituta za medicinsko vještačenje, u skladu sa Kantonalnim zakonom i propisima iz ove oblasti, kao i plaćanje medicinskog vještačenja za ostvarivanje prava iz oblasti socijalne zaštite.

U toku izvještajnog perioda utrošena su sredstva u iznosu od 1.152.917 KM. Od tog iznosa za finansiranje naknada za pomoć i njegu od strane drugog lica utrošeno je 1.135.060 KM za 1.543 korisnika, a za refundaciju troškova medicinskog vještačenja iznos od 17.857 KM za 167 korisnika.

10. Novčana pomoć za nezaposlene porodilje – KAD 211

Budžetom za 2014. godinu planirana su sredstva u iznosu od 171.890 KM - ekonomski kod 614200. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar-juni 2014. godine za ovu namjenu utrošena su sredstva u iznosu od 70.740,00 KM, za isplatu naknada za 470 nezaposlenih porodilja.

11. Smještaj u ustanove socijalne zaštite - KAD 213

U Budžetu za 2014. godinu za ovu namjenu planirana su sredstva u iznosu od 5.481.451 KM - ekonomski kod 614200. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar-juni 2014. godine, utrošena su sredstva u iznosu od 2.655.677 KM, za troškove smještaja 599 štićenika u ustanovama socijalne zaštite.

12. Stalna novčana pomoć - KAD 215

Budžetom za 2014. godinu su planirana sredstva u iznosu od 1.177.934 KM - ekonomski kod 614200. Iz ovih sredstava finansira se stalna novčana pomoć koju lica mogu ostvariti u skladu sa Kantonalnim zakonom. Za ovo pravo 60% sredstava se finansira iz Budžeta Kantona, a 40% iz Budžeta općina.

U izvještajnom periodu januar-juni 2014. godine iz Budžeta Zeničko-dobojskog kantona za stalne novčane pomoći izdvojeno je 574.1435 KM, za 1.217 korisnika ovog prava.

13. Osposobljavanje za život i rad - KAD 216

Budžetom za 2014. godinu planirana su sredstva u iznosu od 211.907 KM - ekonomski kod 614200. Finansiranjem ovog prava obezbjeđuje se rehabilitacija, obrazovanje i osposobljavanje za život slijepe i slabovidne djece, gluhe i gluho-nijeme djece i djece ometene u psihofizičkom razvoju.

U izvještajnom periodu januar-juni 2014. godine, utrošena su sredstva u iznosu od 87.564 KM za 43 korisnika.

14. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 4.868.904 KM - ekonomski kod 614200. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakona.

U izvještajnom periodu januar- juni 2014. godine za dječiji dodatak utrošena su sredstva u iznosu od 2.216.647 KM, za 13.518 korisnika odnosno za 22.429 djece koja ostvaruju dječiji dodatak.

15. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 121.071 KM - ekonomski kod 614200. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar - juni 2014. godine, za ovu namjenu utrošena su sredstva u iznosu od 51.278 KM, za 459 korisnika ovog prava.

16. Pomoć u prehrani djeteta do 6 mjeseci i dodatna ishrana majkama dojiljama - KAD 219

Budžetom za 2014. godinu planirana su sredstva u iznosu od 408.167 KM - ekonomski kod 614200.

U izvještajnom periodu januar-juni 2014. godine, za ovu namjenu utrošena su sredstva u iznosu od 215.096 KM, za 471 korisnika ovog prava.

17. Transfer JU Službi za zapošljavanje, za podsticaj aktivnih mjera zapošljavanja - KAD 220

Budžetom za 2014. godinu planirana su sredstva u iznosu od 556.075 KM - ekonomski kod 614200. Ova sredstva su namijenjena za nastavak sufinansiranja Programa zapošljavanja pripravnika 2013.-2014. godina (VSS) u iznosu od 420.400,00 KM i finansiranje Programa zapošljavanja pripravnika 2014.-2015. godina (VSS) i sufinansiranje projekata prekvalifikacije i dokvalifikacije i stručnog osposobljavanja i samozapošljavanja 135.675,00 KM.

U sklopu finansiranja ovog Programa u Budžetu su planirana i sredstva na transferu „Poticaj zapošljavanja mladih“ u iznosu od 206.850 KM i to za finansiranje zapošljavanja i samozapošljavanja nezaposlenih mladih osoba bez radnog iskustva (VSS, VŠ, SSS i KV) i subvencioniranja volonterskog rada u zdravstvenim ustanovama, a na osnovu potraživanja sredstava od strane JU Službe za zapošljavanje.

U izvještajnom periodu januar-juni 2014. godine, sa transfera Služba za zapošljavanje ZDK, utrošena su sredstva u iznosu od 219.350 KM, i to:

- za nastavak „Programa zapošljavanja pripravnika 2013-2014. godina (VSS)..... 200.000 KM
- za sufinansiranje Projekta „Uspostava Centra za obrazovanje odraslih i stručno osposobljavanje i zapošljavanje CNC operatera, metalobrusača i obrađivača metala rezanjem“ 19.350 KM.

Sa transfera „Poticaj zapošljavanja mladih“ do sada nisu utrošena sredstva.

18. Tekući transfer udruženjima - KAX 002

Budžetom za 2014. godinu planirana su sredstva u iznosu od 14.625 KM- ekonomski kod 614300.

Na osnovu člana 34. Zakona o izvršavanju Budžeta Zeničko-dobojskog kantona (‘‘Službene novine Zeničko-dobojskog kantona’’, broj:15/13) utrošak sredstava na ovom transferu vršit će se nakon objavljivanja Javnog poziva.

Tekući transfer za Crveni križ

Budžetom za 2014. godinu na ovom podtransferu planirana su sredstva u iznosu od 10.000 KM, za provođenje programskih aktivnosti Crvenog križa Zeničko-dobojskog kantona.

U izvještajnom periodu, a na osnovu Zaključka Vlade Zeničko-dobojskog kantona broj:02-14-12908/14 od 24.06.2014. godine, utrošena su sredstva u iznosu od 10.000 KM.

19. Tekući transfer iz prihoda za obilježavanje ‘‘Dječije nedjelje’’ – KAX 003

Budžetom za 2014. godinu planirana su sredstva u iznosu od 75.000 KM - ekonomski kod 614300.

U izvještajnom periodu januar-juni 2014. godine, sa ovog transfera nisu utrošena sredstva.

Utrošak sredstava na ovom transferu vršit će se na osnovu člana 34. Zakona o izvršavanju Budžeta Zeničko-dobojskog kantona (‘‘Službene novine Zeničko-dobojskog kantona’’, broj: 15/13), a u skladu sa Programom potrošnje Ministarstva.

20. Kapitalni transferi drugim nivoima vlasti – ekonomski kod 615100

Budžetom za 2014. godinu planirana su sredstva u iznosu od 9.850 KM. Ova sredstva su namijenjena za finansiranje poboljšanja materijalnih, prostornih i tehničkih uslova za rad ustanova i službi socijalne zaštite.

Tokom perioda januar – juni 2014. godine, sa ove pozicije nisu utrošena sredstva.

21. Ostala osnivačka ulaganja– ekonomski kod 821500

Budžetom za 2014. godinu na transferu „Ostala osnivačka ulaganja“ - ekonomski kod 614300 planirana su sredstva u iznosu od 49.250 KM i to za osnivanje ustanove “Dnevni centri”.

Utrošak sredstava sa ove pozicije vršit će se po nalogima Ministarstva i aktima Vlade, a u skladu sa članom 35. Zakona o izvršavanju Budžeta u Zeničko-dobojskom kantonu za 2014. godinu.

Izvršenje Budžeta Zeničko-dobojskog kantona za period januar - juni 2014. godine, ukupno posmatrano, za pozicije: „Tekući transferi pojedincima“, „Tekući transfer neprofitnim organizacijama“, „Kapitalni transferi drugim nivoima vlasti“ i „Ostala osnivačka ulaganja“, iznosilo je 13.420.895 KM, odnosno u procentu od 44,82 % u odnosu na ukupno planirana sredstva Budžetom za 2014. godinu na navedenim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice, broj: 02-14-3163-1/14 od 06.02.2014. godine.

Zenica, avgust 2014. godine

MINISTAR

Ivica Ćurić